



Broj: 01/2-2-441-4/25  
Bihać, 18.3.2026.godine

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primijeno: 24-03-2026			
Org. jed.	Broj	Priloga	Vrijednost
02	- 02 -	1718	/25

PARLAMENT FEDERACIJE BOSNE I HERCEGOVINE  
DOM NARODA  
Ul. Hamdije Kreševljakovića br. 3  
SARAJEVO

PREDMET: Mišljenje na nacrt Zakona o izmjenama i dopunama  
Zakona o roditeljima njegovateljima u Federaciji Bosne i Hercegovine,  
dostavlja se;-

Poštovani,

dana, 18.11.2025.godine Skupština Unsko - sanskog kantona zaprimila je akt Doma naroda Parlamenta Federacije Bosne i Hercegovine kojim se traži mišljenje na nacrt Zakona o izmjenama i dopunama Zakona o roditeljima njegovateljima u Federaciji Bosne i Hercegovine.


Shodno navedenom, u prilogu akta dostavljamo vam Mišljenje Vlade Unsko - sanskog kantona na navedeni tekst Zakona, te vas molimo da isto uvažite.

Prilog: Kao u tekstu

Dostaviti:

- 1) Naslovu
2. a/a

Sekretar Skupštine  
Unsko – sanskog kantona  
Dragana Bajrić, dipl.pravnik



Broj: 03-02-14023-h/2025  
Bihać, 18.12.2025. godine

SKUPŠTINA UNSKO-SANSKOG KANTONA

BOSNA I HERCEGOVINA  
FEDERACIJA BOSNE I HERCEGOVINE

SKUPŠTINA UNSKO-SANSKOG KANTONA

PRIMLJENO: 18.12.2025

Organizacija	Instancija	Polje broj	Broj priloga
0112-2-441-3	UNSKO-SANSKI KANTON		25

PREDMET: Mišljenje na Nacrt Zakona o izmjenama i dopunama Zakona o roditeljima njegovateljima u FBiH, dostavlja se;

Na osnovu člana 96., 101. i 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu vam dostavljamo Mišljenje na Nacrt Zakona o izmjenama i dopunama Zakona o roditeljima njegovateljima u FBiH, uz sljedeće

### Obrazloženje

Vlada Unsko-sanskog kantona je na 27. sjednici, održanoj dana 18.12.2025. godine, razmatrala i Zaključkom broj: 03-02-11490-404/2025 prihvatila Mišljenje Ministarstva zdravlja, rada i socijalne politike na Nacrt Zakona o izmjenama i dopunama Zakona o roditeljima njegovateljima u FBiH te vam isto u prilogu ovog akta dostavljamo.

S poštovanjem.

Prilog: - Zaključak Vlade Unsko-sanskog kantona  
- Mišljenje

Dostavljeno:

1. Naslovu,
2. a/a.





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), na prijedlog Ministarstva zdravstva, rada i socijalne politike, Vlada Unsko-sanskog kantona na 27. sjednici, održanoj dana 18.12.2025. godine, donosi

## ZAKLJUČAK

### I

Prihvata se Mišljenje Ministarstva zdravstva, rada i socijalne politike na Nacrt Zakona o izmjenama i dopunama Zakona o roditeljima njegovateljima u FBiH.

### II

Mišljenje iz tačke I ovog Zaključka čini sastavni dio ovog Zaključka i isto se upućuje Skupštini Unsko-sanskog kantona u dalju proceduru.

### III

Ovaj Zaključak stupa na snagu danom donošenja.

Broj: 03-02-11490-404/2025  
Bihać; 18.12.2025. godine





Ustavni osnov za donošenje Zakona o izmjenama i dopunama Zakona o roditeljima njegovateljima u FBiH sadržan je u odredbama člana III. 2. e), a u vezi s članom III. 3. (3) Ustava Federacije Bosne i Hercegovine kojim je propisano da federalna vlast ima pravo utvrđivati politiku i donositi zakone koji se tiču socijalne politike, te da je socijalna politika u zajedničkoj nadležnosti Federacije BiH i kantona.

Nakon izvršene analize teksta, Ministarstvo zdravstva, rada i socijalne politike predlaže sljedeće:

### MIŠLJENJE

na Nacrt Zakona o izmjenama i dopunama Zakona o roditeljima njegovateljima u FBiH

Zakon o roditeljima njegovateljima u FBiH („Sl. novine FBiH“ br. 75/21) se počeo primjenjivati od 30.12.2021.godine, te su toku njegove primjene identifikovani određeni problemi pri implementaciji.

Mišljenja smo da je predlagač pravilno identifikovao probleme u primjeni Zakona o roditeljima njegovateljima u FBiH, te da je bilo nužno pristupiti donošenju izmjena i dopuna ovog propisa.

Generalno gledajući, smatramo da će Zakon o izmjenama i dopunama Zakona o roditeljima njegovateljima u FBiH doprinijeti poboljšanju statusa osoba s invaliditetom i njihovih porodica, te da će olakšati primjenu istog. Međutim, također smatramo da postoje i određena pitanja u tekstu ovog propisa koja bi trebalo dodatno urediti i precizirati.

U članu 1. Zakona o izmjenama i dopunama Zakona o roditeljima njegovateljima u FBiH propisano je da se mijenja član 2. Zakona, odnosno da se propisuje rodno značenje izraza koji se koriste u ovom zakonu.

Međutim, gotovo identična formulacija kao formulacija člana 1. ovih izmjena postoji u članu 1. stav (2) Zakona o roditeljima njegovateljima u FBiH, a ista nije brisana. Dakle, neophodno je, ako se mijenja član 2. Zakona o roditeljima njegovateljima u FBiH na način da se sada ovim članom propisuje rodno značenje izraza, da se u članu 1. Zakona briše stav (2).

U članu 2. stav (4) Zakona o izmjenama i dopunama Zakona o roditeljima njegovateljima u FBiH, a kojim se mijenja član 6. Zakona, propisuje se da status roditelja njegovatelja može ostvariti i krvni srodnik ili srodnik po tazbini osobe s invaliditetom. Međutim, u tekstu izmjena i dopuna se i dalje koristi samo formulacija „roditelj“, a ne navode se druge osobe iz člana 2. stav (4) Zakona o izmjenama i dopunama Zakona, odnosno člana 6. stav (4) osnovnog teksta Zakona.

Na primjer, u članu 4. Zakona o izmjenama i dopunama Zakona govori se o uvjetima za priznavanje statusa, te se govori koje uvjete mora ispunjavati „roditelj“ da bi ostvario status roditelja njegovatelja.

Još jedan primjer zašto bi u tekstu zakona trebalo koristiti formulaciju „roditelj ili osoba iz člana 6. stav (4) Zakona“ vidljiv je i u članu 5. Zakona o izmjenama i dopunama Zakona o roditeljima njegovateljima u FBiH. Naime, ovim članom se, između ostalog, u članu 9. Zakona

dodaje stav (6), a u kojem se propisuju situacije kada se ne može „roditelju“ priznati status roditelja njegovatelja zbog vođenja krivičnog postupka, osude za određena krivična djela ili izrečene zaštitne mjere zbog porodičnog nasilja.

Naime, ovakva formulacija ovog člana izmjena i dopuna zakona bi se od strane nedovoljno stručne osobe mogla protumačiti da se ove situacije mogu odnositi samo na „roditelja“, a ne i na osobe iz člana 6. stav (4) Zakona.

Stručni uposlenici u centrima za socijalni rad koji će direktno primjenjivati ovaj propis neće imati problema sa njegovom jasnoćom i primjenom, jer se iz cjelokupnog teksta i konteksta odredbi ovog zakona podrazumjeva da sada status roditelja njegovatelja ostvaruje, pod istim uvjetima, i krvni srodnik ili srodnik po tazbini osobe s invaliditetom. Međutim, ipak smatramo da bi zbog šire javnosti, odnosno manje stručnih osoba trebalo bi težiti potpunoj jasnoći i preciznosti, te da bi sada trebalo u tekstu zakona koristiti formulaciju „roditelj ili osoba iz člana 6. stav (4) Zakona“.

Također smatramo da bi trebalo dodatno precizirati odredbu člana 7. Zakona o izmjenama i dopunama Zakona o roditeljima njegovateljima u FBiH.

Ovom odredbom dodaju se novi stavovi (2) i (3) u članu 13. Zakona, te se istom nastoje urediti postupanje centara za socijalni rad u slučajevima u kojima je trajanje statusa ograničeno zbog kontrolnog pregleda i sl. Međutim, smatramo da formulacija člana 13. stav (2) nije dovoljno precizna i jasna. Naime, u ovom se stavu govori o nastavku trajanja prava na status roditelja njegovatelja. Mišljenja smo da ovakva formulacija nije dovoljno jasna, odnosno da ne bi trebalo miješati status i pravo. Status je osnova, a pravo proizlazi iz statusa kao osnove. U vezi s tim, smatramo da bi se trebalo govoriti o nastavku trajanja statusa, a ne o nastavku trajanja prava na status.

Pored toga, u ovom stavu nejasno je na temelju čega će centar za socijalni rad utvrditi nastavak trajanja statusa.

Naime, ako je to bila namjera predlagača, trebalo bi jasno propisati da Institut za medicinsko vještačenje zdravstvenog stanja, nakon vremenski ograničenog nalaza i mišljenja, ponovno utvrđuje nalazom i mišljenjem postojanje 100% oštećenja organizma i potrebe za njegu i pomoć drugog lica prve grupe, te da centar za socijalni rad nakon toga po službenoj dužnosti donosi rješenje o nastavku trajanja statusa.

Pored toga, formulacija „ukoliko i dalje postoje drugi uslovi“, može se protumačiti da bi se nastavak trajanja statusa mogao utvrditi, čak i ako nije ponovno utvrđuje nalazom i mišljenjem postojanje 100% oštećenja organizma i potrebe za njegu i pomoć drugog lica prve grupe.

Dakle, smatramo da bi formulacija dijela ovog stava trebala glasiti: “ukoliko i dalje postoje uslovi“.

Dakle, smatramo da će Nacrt Zakona o izmjenama i dopunama Zakona o roditeljima njegovateljima u FBiH doprinijeti poboljšanju statusa osoba s invaliditetom i njihovih porodica, ali imajući u vidu gore navedeno, potrebno je određene detalje dodatno urediti i precizirati.

Broj: 09-02-14023- /25  
Bihać, 10.12.2025.godine



MINISTRICA

Stefica Ogić